

國朝閨閣詩鈔

國朝閨閣詩鈔

第二冊

蘊真軒小草

遼陽

蔡

琬

季玉

林下風清集

興化

李國梅

芬子

湘靈集

錢塘

馮

嫻

又令

古香樓詩集

錢塘

錢鳳綸

雲儀

竹隱樓詩草

蓮廳

賀

桂

秋安

鳳簫樓詩集

錢塘

林以寧

亞清

繡餘小稿

漢陽

紀

瓊 蘊玉

蠹窗詩集

桐城

張令儀

柔嘉

疎影軒詩稿

侯官

何玉瑛

梅鄰

片石齋燼餘草

西充

馬士琪

韞雪

第二冊

卷一

蔡夫人琬字季玉直隸遼陽州人綏遠將軍毓  
榮女戶部尙書高文良公其偉室夫人無書不  
讀文良奏疏移檄每與商酌著有蘊真軒小草

二卷

蘊真軒小草

遼陽蔡琬季玉

送文淵大孫北歸

昔見汝幼時課讀日繼夜別來十經春蘊玉猶  
待價一帆入五嶺兩載留官舍剪燭話疇昔故  
舊驚凋謝云何喬嶽崇條若江河下念爾富才  
華勗汝相慰藉芸櫝書勸持金門策期射今忽  
辭我還歸省須稅駕孝思不可違重負幸毋卸

志力汝所饒歲月不我借奮發繩武心  
黽勉曾孫稼行矣勿蹉跎送汝淚雙瀉

紅蘭曲

紅蘭委露幽香滅白頭猶記青衫血  
殘喘仍存不了因餘情猶比蠶斯切  
珍重彌留執手時殷勤付語爾心知  
三閭茅屋堪遮露一架殘書待課兒  
大義還當終所託莫將愛索深纏縛  
無奈絲絲一寸腸千迴萬折終難脫  
欲將片語寄重

泉地迥天高那得傳聞說  
令威曾化鶴歸來華表  
更何年空庭彷彿喜相晤  
五中揉碎愁難訴  
執手舉衣雙淚垂問君  
那得歸來路爲君碎卻  
彈碁局拋擲爐香罷  
琴曲殘局應知無見期  
急絃那更憂思促憂思  
輾轉復沉吟秋月春花  
總不禁消殘咏絮吟風  
意剩有投淵化石心  
世事浮雲難把捉  
人情更似楊花逐  
新浴安能不整衣  
濯纓何處分清濁  
病骨伶俜瘦影隨  
星星白

蘊真軒小草

首苦低垂啼乾杜宇三更血不斷春蠶萬縷絲  
弱絮依風化塵土藕花落盡蓮心苦烈士徇名  
慷慨悲成仁取義難相侮不盡茹哀枕畔吟暮  
笳拍拍斷腸音形銷骨化終虛寂留取丹誠貫  
古今

薄暮

薄暮涼颼靜蟾光影半明空廊蟲自語遠塞雁  
孤鳴脈脈千重意悄悄萬里情鐘聲遙入耳愁



聽寐難成

辰龍關

一徑登危獨惘然  
重關寂寂鎖寒煙  
遺民老賸頭間雪  
戰地秋閒郭外田  
聞道萬人隨匹馬  
曾經六月墮飛鳶  
殘碑澗盡諸軍淚  
苔蝕塵封四十年

關鑣嶺

山從絕域勢遙分  
天限西南自昔聞  
烽靜戍樓

狐上屋風喧古木鶴驚羣橫盤石磴危通馬深  
鎖雄關冷護雲叱馭昇平猶覺險揮戈誰憶舊  
將軍

江西坡

西嶺千重簇劍鏃曾麾萬騎驀羊腸鬼鏗明滅  
團青血野豕荒涼嘯白楊夢斷層霄渾漠漠事  
隨流水去茫茫只今賸有殘兵卒指點空山說  
戰場

九峯寺

蘿壁松門古徑深題名猶記舊鋪金  
苔生塵鼎無香火經蝕僧厨有蠹蟬  
赤手屠鯨千載事白頭歸佛一生心  
征南部曲今誰是賸有枯禪守故林

秋原踏月

露冷煙消碧落空遠山如黛月如弓  
蛩吟緩緩堤邊路蟬韻微微樹杪風  
幾點雪花天際白一

痕螢火草間紅中郎不起吾誰與莫問良材爨  
下桐

白燕二首

斬新毛羽趁青陽分得天孫匹練光  
桃渡飛驚三月雪梨梢樓訝一枝霜  
封侯畧類班司馬化鳳應隨沈侍郎  
不是仙家留不得珍珠爲箔玉爲梁

遙從瓊海換新姿來趁梨花欲放時  
春自不寒

還舞雪身如可化亦凝脂珠簾影密飛難見琪  
樹陰濃語始知仙館計歸應訝晚翩翩雙上玉  
釵遲

江雨晚晴

晚煙漠漠破餘暉紅燕紛紛下翠微幾點斷雲  
將雨去一行蘆雁貼江飛霜明半落新愁鬢風  
勁先侵遠客衣翻羨田家無個事小舟閒泊釣  
魚磯

松間閒坐

投老煙霞懶更癡  
新棋舊譜總難知  
養身正覺閒心好  
避俗還於小病宜  
細路晚風歸緩緩  
沙堤明月上遲遲  
塵懷滌盡渾無事  
獨倚孤松但詠詩

葵花

落寞西風黯淡姿  
倩誰譜入上林枝  
最憐一點丹誠在  
不爲斜陽影便移

感懷二首

星槎曾逐泛銀河首按珠宮第一歌  
夢破不須重話舊當時驚鶴已無多

八面旌旗七寶車曾揮彩袖闌朝霞  
秋風原上無人識獨倚柴門數暮鴉

書後寄妹

細雨圍窗漏正遙短檠明滅逐魂消  
卻憐孤客應無寐萬里西風共寂寥

第二冊

卷二

李女史國梅字芬子一字韞庵江蘇興化縣人  
隱士瀚第三女舉人國宋妹解舉鼎室著有林  
下風清集



林下風清集

興化李國梅芬子

初夏憶母

鶯啼四月天花落  
蝴蝶飛南風吹繡戶  
暖日照  
翠簾徘徊出羅幙  
步履臨堦  
埽梨花香  
小院柳  
條拂清池  
梁燕引雛返  
慈烏歸故枝  
感彼禽鳥  
情悽然  
觸我思念  
我失所恃  
六載慈顏  
違音容  
已隔世罔極報  
何時諸兒戲  
我側顧之心愈悲

林下風清集

嫺嬛別館藏書

乙九

哽咽不能言  
淚似連珠垂  
汝曹俱有母  
我何獨無依  
回思鞠育恩  
肝腸如亂絲

擣衣篇

金閨寂歷金風起  
極目關山幾千里  
誰家少婦顏如花  
夜擣征衣月明裏  
親擣寒衣寄遠客  
萬水千山幽思積  
嘹嘹征雁逐行飛  
渺渺流螢當戶入  
銀河秋冷夜無光  
幾點疎星明復滅  
風吹砌草泣寒蛩  
露滴井梧凋敗葉  
閒雲片片任東

西砧聲斷續高復低此時相望情何已此際寒  
烏夜半啼含情擣罷嬌無力拋杵攬衣長嘆息  
依稀記得別君時於今幾度秋花碧躊躇獨立  
意如何淚痕點點羅襟濕

將進酒

朝吟薤露歌夕進新豐酒黃鸝舉翼四海窄鷓  
鴒齷齪夫何有樽前有酒盤有餐請君秉燭遊  
夜闌我聞人生不滿百何用行憂坐嘆凋朱顏

君不見漢家丞相富貴時賓客傾蓋如雲馳片  
言不合詔下獄折辱翻遭小吏欺又不見田蚡  
竇嬰相傾奪公卿半屬門下客一朝勢盡歸武  
安魏其筵前誰避席人情反覆多如此世路羊  
腸宛相似周公大聖有流言鄒衍遭讒誰見理  
高牙大纛專城居不如閑行隴上把耕鋤鳴鍾  
列鼎食萬戶不如閉門安坐酒一壺流光駒隙  
亦易過咄嗟身勢徒邱墟試看紛紛行路者覆

車折軸將焉如

遊曼園

曲岸循芳徑人家帶薜蘿斷橋欹石磴荒榭枕  
山阿翠羽衝烟疾蜻蜓掠水多忽聞漁唱起雙  
槳月中過

文丞相祠和家兄大邨

丞相祠堂歲月深蒼松翠柏蔭森森門開舊是  
胥奔路日落空餘古殿陰赤社已知無寸土黃

冠猶自繫歸心零丁剩有孤臣影柴市忠魂不可尋

亡姊忌日作

雁影分飛已可憐那堪永別去窮泉榴花照眼猶爭豔明月窺窗祇自圓病妹重逢悲短夢老親相見話當年盈盈一水揚州道沉慟無由拜墓田

竹西亭

烟雨揚州路遊人說竹西春風餘蔓草日暮鷓  
鴒啼

明妃怨

漢廷遠嫁事堪悲一曲琵琶雙淚垂異日空留  
青塚恨從來薄命是蛾眉

第二冊

卷三

馮女史嫻字又令浙江錢塘縣人同安知縣仲  
虞女仁和諧生錢廷枚室讀書過目成誦下筆  
文如夙構尤工繪事著有湘靈集和鳴集



湘靈集

錢塘馮 嫺又令

關山月

關山月月如茲離人對此愁不眠關山月月色  
清此時相對倍含情月黯黯兮心亦苦月溶溶  
兮淚如雨明月不關人幽懷自難撫君不見故  
園月影高銜杯讌賞醉清宵新歌妙舞興偏豪  
每虞風雨來相撓云何對月情轉切終夜徘徊

心似結蟾光遠近應相同不忍邊城看圓缺

和夫子九日擬登吳山因雨不果原韻

重九宜晴雨聲密相望窗前秋瑟瑟未過小圃  
訪黃花恐負花期被花責芳辰寂寞遣情難倦  
插茱萸感百端身世浮萍空碌碌何如秦女早  
乘鸞憐子夙懷林下志幼對溪山願差遂年來  
四壁聊可棲悠然三徑有餘致蕭蕭風雨靜中  
聽竹影松枝簾外青興到豈知塵內事煙雲閒

潑墨無停

端陽偶詠

令節日方長湖濱畫鷁揚  
雨餘葵似錦風細艾  
浮香綴彩娛清晝敲詩悼楚湘  
漫言千古事且  
共泛蒲觴

吳山遠眺

爲訪金仙跡吳峯一暫停  
遠潮同練白疊巘共  
眸青未許攜遊屐聊爲駕彩輶  
登臨無限意何

以問山靈

邀雲儀不至旣而惠然誌喜

悵望青鸞杳人從北郭求情隨殘菊冷意逐斷  
雲流忽報軒車至俄聞環珮悠茲辰重把袂作  
賦擬登樓

和夫子述懷

李廣當年亦未侯書生何必苦悲秋舌存待執  
咸陽柄志遠會歸石室囚滿目雲霞俱是幻半

庭松竹儘堪收同君翰墨閒消遣已覺身居百尺樓

和落葉詩原韻

秋林蕭瑟近寒塘樹樹飄殘葉上霜幾陣因風  
驚蛺蝶數聲和雨醒鴛鴦閒階競落依蛩響遠  
渚輕飛雜雁行最愛深宮流錦字不教紅粉怨  
昭陽

題美人擁被抱琴圖

乙十六  
爲怯階除風露侵蘭房獨坐擁寒衾流蘇帳捲  
燈微逗小篆香浮夜漸深漫卸翠翹依玉軫閒  
將素袖伴瑤琴高山流水情無限彷彿泠泠指  
上尋

中秋

冰輪初擁出雲間香霧朦朧樹影斑相去廣寒  
疑咫尺何難人世有蓬山

第二冊

卷四

錢女史鳳綸字雲儀浙江錢塘縣人進士安侯  
女御史肇修姊貢生黃式序室著有古香樓集  
散花灘集

古香樓詩集

錢塘錢鳳綸雲儀

冬日讌柴季嫺宅

星紀歲將徂天寒氣蕭摵百卉萎嚴霜零露晞  
朝日喜逢素心人並坐芝蘭室笑語春風生雍  
容事文墨圖書紛綺閣斐几陳琴瑟鳥散庭除  
靜雲披簾影黑幽居遠囂塵超然思曠逸流光  
迅擲梭良會恐易失旣醉發長歌終始飽嘉德



哭伯兄

在昔皇天傾覆卵無完理兄不即殉身感奮良  
有以摩挲雙匕首一夕再三起千鈞重一發恐  
復憂天只荏苒歲月間隱痛入骨髓未堪讐人  
胸抱疾忽焉死尸牀目不瞑不繼非人子尙有  
娥親在李壽汝莫喜

迎燕曲

斜日繫春春寂寞美人罷繡開珠箔雙飛海燕

翠羽新一聲驚破梨花雲銀蟾老兔銜華屋花  
裙夜轉聲蕭蕭緘書難寄玉門關征夫遠隔燕  
支山瀟湘不斷水潺湲梁空瑋瑁生曉烟

關山月

驚烏啞啞啼不休征夫遠戍關山頭尺書頻寄  
秋復秋深閨好女愁復愁涼蟾玉色當我樓團  
光濕露空悠悠玉兔半昏冷湘篝金壺淒清咽  
更籌天河明滅橫斗牛飛激水輪使倒流續紛

桂葉枝幽繆多結子花何處求却憶城邊安石  
榴

美人梳頭歌

新林一聲啼綠鳥三十六宮春欲曉牀上轆轤  
牽素纓秋水溶溶鏡光冷漸看紅日捲珠簾雙  
鸞却月眉纖纖玉鳳斜飛鞞金蟬珮環搖搖曳  
湘烟下階獨自摘芳蕋櫻桃笑儂不結子

玉津園懷古

湯湯湖水鳴千古風翻雪浪蛟螭舞會說鑿與  
講射回雕鞍千騎屯江滸笙歌曉簇鳳城雲旌  
旗暮捲龍山雨遠渚秋風吹綠縈海棠飛作杜  
鵑魂舊日繁華今已矣江村殘照清砧起重華  
宮中涼月明德壽殿前春草生世事浮雲豈有  
定湖流鳴咽循荒城落日驚心凝望眼不見紫  
雲南國晚

奉和母氏謁武侯祠

侍謁先賢廟香臺薦白蘋  
鳥棲喬木古蟲蝕斷碑  
新石陣迷荒霧金鸞降  
舞神指揮承漢統羽扇  
一綸巾

秋日簡亞清

城闔咫尺即天涯惆悵離羣  
兩不知日暮涼風棋散後  
夜深微雨雁歸時窗前橘  
柚垂多少檻外芙蓉發幾  
枝同入清秋不同賞却憑  
青鳥寄相思

秋日憶長兄雪原客豫章

空庭月落漏遲遲猶憶同趨問寢時一自哀鴻  
催客夢頻驚寒杵動離思霜凋樹色秋江冷風  
撼潮聲孤嶼危遙望匡廬雲靄靄歸帆何日可  
能期

西窗寒詠

雨過芳花潤風來綠葉柔研硃讀周易更覺小  
窗幽

採蓮曲二首

芙蓉灼灼鬪紅妝  
雙槳中流蕩夕陽  
頻囑小姑輕笑語  
莫教驚起宿鴛鴦

盡日輕風泛畫船  
波搖翠袖舞翩翻  
何緣花裏忘歸路  
貪看湖心並蒂蓮

第二冊

卷五

賀齋人桂字秋安號竹隱居士江西蓮花廳人  
舉人上昌女攸縣知縣龍有珠室幼聰慧能讀  
藏書喜臨摹法帖善彈琴著有竹隱樓詩草

卷五



竹隱樓詩草

蓮廳賀 桂秋安

偶吟

雨過閒庭蘭葉新青竹窗深倚看鶴梳翎

獨漉篇

獨漉獨漉劍埋於獄其氣干天不同一割一解

死傷於虎爲虎之俛虎中於機俛且嘆望二解

烏鰂噴墨以爲身窟巧莫之若終死於墨三解

衆鳥呼山清濁各別誰欲弋鳥莫中清潔四解

感懷

人生天地間譬如桃與李百卉爭豔後漸隨秋  
草萎何不學松柏勁節難與比

憶畫

庭中三尺練悠然山色遠亦復翠微密仍舞啄  
花燕露餘光尙新風落香疑軟晴嵐望不滅樹  
枝影莫見征帆駐輕飛沙鷗遊戲倦危橋靜綠

整江春幽且豔高閣對清流朱箔竹陰捲窗似  
迎花入人如當春怨歷亂集落英寂靜無鳥嘯  
佳趣留明月物象自深淺

秋日避兵漁家

遶宅桐陰秋意寒老漁門對雁沙灘湖光遠望  
碧千頃茆屋隔隣青幾團傍岸綠楊橫挂網沿  
溪紅蓼任垂竿憑誰爲報籬邊菊珍重清霜待  
細看

曉過梧溪

殘月鷄聲埜店霜半黃  
秋草露垂光  
畫樓窗掩  
人尋夢小圃風來菊送香  
樹濕珍禽飛細細  
江寒殘葦色蒼蒼  
山行逕險橫  
荆棘折得梧枝憶  
鳳凰

科兒公車北上賦此寄懷

金鞭續夢月初低  
石路霜濃滑馬蹄  
絲冷輕裘  
風面面竹連古驛  
霧迷迷匏樽注酒分  
童僕土

屋開扉見犬雞草盡寒威春到眼木榮遲早聽  
鶯啼

暮秋

小園秋事已蕭疎密蔓寒瓜架未除草壓苔痕  
埋落葉石移雲影戲遊魚窗虛翠竹聲無數地  
靜黃花韻有餘昨夜月明吟坐久風香帶露似  
春初

冬日

小園勝事憶殘秋  
粧點紅葉畫意收  
蝶飲清香初過竹  
鴉翻紅葉欲侵樓  
銷寒剩得書爲伴  
遠俗還知夢亦幽  
當檻垂楊烟澹澹  
半依松處尙青留

獨坐

晴波如練漾秋江  
日暮朱霞染碧窗  
琴罷鴨爐香欲熄  
強拈針線思難降

竹隱樓偶題

春風吹動海棠花人在花西第幾家  
花外清溪溪上屋半林竹影拂窗紗

第二冊

卷六

林宜人以寧字亞清浙江錢塘縣人進士綸長  
女御史錢肇修室工文章善書畫尤長墨竹著  
有墨莊詩鈔鳳簫樓詩集



鳳簫樓詩集

錢塘林以寧亞清

水仙操

蹈彼海濱兮以居以處撫瑤琴兮誰與語天風  
起兮蛟鬪鳴海波揚兮何虧何盈我神何棲兮  
于彼太虛物我兩忘兮不聞其聲

夢遊桃花源

理楫石瀨口洞壑極深窅白日翳層壁倏然露

林杪初行不見人，仄徑礙飛鳥。忽逢林木盡，水竹四環遶。茅屋三兩間，雞聲出雲表。主人聞客來，攬衣起相勞。筍蕨爲我設，杭梁供我飽。白鶴翔天風，遊魚戲清沼。宛若素所歷，竭來胡不早。悵惘塵世事，朗徹愜懷抱。高邱誰沈淪，阿閣孰傾倒。魏晉不復知，以下更何道。歎息武陵人，悠悠竟終老。

贈宛瓊女史

月中仙人結璘子銀海回風漾空翠廣寒青桂  
生紫芽水蟾蝕作鴛鴦字清光獨夜照三吳采  
香涇畔多名姝日射簾旌金鵲尾春窗睡足紅  
攏瓠蜀紙新裁鸞鳳帖同心重綰菖蒲葉玉寒  
手擘荔枝漿燈紅酒暈芙蓉頰風翦春英碎粉  
霞幻作衣間雙蛺蝶綠雲鬢鬢黃金璫方空半  
臂疑脂香瑤島承恩夕宴罷寒星亂落參差光

獨夜吟

蕉心未展桐花老春社纔臨燕聲小屋角陰雲  
凍天色雨脚斜侵砌旁草暮寒壓夢夢不成耳  
邊哀角嗚嗚幽房鬼逼蘭缸疑牀頭玉盞敲  
紅冰斫桂燒雲老不死夜烏啼殺曉烏起獨繭  
抽絲結繡襦儂心未卜郎心似開簾蠟樹烟依  
微海燕賓鴻相背飛孤吟起坐各無賴昨夜鄰  
家夫婿歸

秋蟬

昨夜涼風屈節初園亭景物漸蕭疎高枝墜露  
堪承飲深樹微雲可卜居秦女支砧秋半急衛  
娘小鬢夜來梳遐情自足傳霄漢不逐金梧下

玉除

秋暮讌集願圃分韻

早起登臨玉露灑畫樓高處碧雲涼池邊野鳥  
啼寒雨籬外黃花媚曉粧斜倚紅闌同照影閒  
揮綠綺坐焚香溯洄他日重相訪一片蒹葭秋

水長

寄啟姬雲間

柳上浮家小結廬  
水軒竹檻稱幽居  
問人新借簪花帖  
教婢閒抄相鶴書  
螳子避潮緣硯席  
鱗奴沿月上階除  
清閨事事堪題咏  
刻玉鏤冰恐不如

穀雨二首

鏡臺流影射窗紗  
風到簷前柳脚斜  
竹架整書

除脉望春池洗硯亂蘋花  
桑濃蠶子猶懸箔日  
暖蜂王早放衙童子佩壺  
尋澗水滌甌明日試  
新茶

草草深閨度歲華生平不解問桑麻  
沿籬野豆初牽蔓繞砌山桃半欲花  
細雨漬成楊柳色暖風催放牡丹芽  
村姬結束新螺髻傍曉比鄰喚  
採茶

得夫子書

經年別思多得書纔尺幅爲愛意纏綿挑燈百  
回讀

落花詩二首

寂寞春林覆碧塘杜鵑啼徹月昏黃長門有淚  
無由達化作飛紅入未央

小園風雨夜來添賸得殘枝手自拈只恐芳華  
零落盡收將餘澤在香奩



第二冊

卷七

紀宜人瓊字蘊玉湖北漢陽縣人真定同知錢塘陳淞室八歲授孝經女史輒成誦長通文義工詩詞著有續餘小稿

繡餘小稿

漢陽紀 瓊蘊玉

訓媳四首

我聞仁厚齊家之樞  
小人多怨其可深誅  
昔賢有言水清無魚

我坐中堂婢來庭曲  
負重竊窺逡巡其足  
我不避之進退維谷

相彼小人寧晰禮義  
懼罪包羞貪茲小利  
我如

核之終身是媿

松柏之下可以息陰  
察察爲明福豈來臨  
告我後人勿替仁心

送別吳大舅父

柳絮繞離思  
楊花愁行客  
杏壇酒初罷  
江城日將夕  
嗟我愚蒙資  
十年侍講席  
雖媿古名媛  
薰陶時有獲  
今當返故里  
何時復請益  
况兼渭陽情  
憂思何以釋

端陽日作

改序欣長晝佳辰泛華卮薰風吹榴樹花影紅  
參差兒女各年長繞膝今在茲顧視誠足樂開  
軒賦新詩

春夜草堂聽沈大姑彈琴

春風靄靄天欲暝東南月上煙光凝皓魄照我  
園中樹亂影斜覆池西亭亭中有客發清興高  
張綠綺窗前鳴調絃宛轉漸入調抑揚頓挫長

短清潺潺湘水石罅溜冥冥松濤萬壑傾初彈  
能使庭鶴舞再彈不覺林風生意深思遠非凡  
響聞之令我中心平萬籟蕭然此俱寂但見白  
露飛泠泠

感春

朝來鶯語滑臨鏡歛愁蛾白髮不堪理青春奈  
爾何已看寒食近漸覺落花多回首流年疾真  
如一擲梭

重陽後一日作

節過重陽冷情牽別緒長愁來驚落葉老去戀  
秋光白蝶蕭蕭過黃花澹澹香倚欄還獨坐誰  
信九迴腸

新秋夜作

雨洗秋容暑氣藏暫拋團扇坐簾牀柳邊月上  
飛輕鷺竹裏風清送小涼螢火暗流閒院靜水  
禽雙泛露荷香七絃鼓罷更闌寂桐樹移陰過

北堂

詠竹二首

風來笑有聲  
雨過淨如洗  
有時明月來  
弄影高窗裏

嫋嫋復嫋嫋  
隨風東西吹  
但見宛轉態  
貞心誰得知

過蠟磯謁孫夫人祠

陸遜虜亭敗  
蜀兵玉顏西  
望恨難勝  
應知絕命

江頭日悔聽虛言到秣陵

繡餘小稿

鄉煥別館藏書



第二冊

卷八

張恭人令儀字柔嘉安徽桐城縣人大學士文  
端公英第三女少詹事廷瓚妹大學士文和公  
廷玉禮部侍郎廷璐工部侍郎廷瑑姊吳興沈  
湘門室惠潮道孔鈞之母工古文著有蠹窗詩  
集

蠹窗詩集

桐城張令儀柔嘉

西顛

大火既流涼風薦爽四時代謝成功者往是刈  
是獲東作乃登馨香玉粒神享其烝率我婦子  
中夜鳴機涼霜戒晨勿使無衣

玄冥

北戶乃瑾凝陰沍寒雨儀混一雨雪漫漫何以

禦窮修其旨蓄艸木既胎蟄蟲咸服無視無聽  
以還純樸百爾君子宜謹嗜慾

不寐

天將降陰雨病骨必先痛輾轉不能寐常至霜  
鐘動老覺近年增愁自三生種萬慮積此時疾  
苦非所重逝者日以久憂來誰與共一歲又將  
除五窮復難送翻羨長眠人不醒鈞天夢

烏棲曲

金谷園中百尺桐，慈烏將子巢其中。  
霜華墮地月如水，豔舞嬌歌畫燭紅。  
石崇沉醉綠珠醒，銀河半傾金翠冷。  
後夜高樓月自瑩，不見珊瑚美人影。

秋夜長

嚴霜倒浸簾櫳冷，半壁孤燈寒耿耿。  
秋老啼殘絡緯聲，月明瘦盡梧桐影。  
啼鳥有意隔紗窗，窗裏愁人淚一雙。  
兩兩飢兒啼下國，迢迢頰尾滯。

寒江機中錦字休裁怨且織征衣還寄遠天涯  
若問此時愁一江春水猶嫌淺

採蓮曲

消夏灣頭露華曉風動芙蓉香嫋嫋吳娃紅袖  
映花明中流爭羨鴛鴦好西施一笑迴雙眸芳  
香滿載木蘭舟酒酣玉簟涼如水西風莫遣吳  
宮秋

鬪草

綠牕曉夢鶯啼醒粉薄蝶輕粧不整  
瑤琴罷軫玉笙寒花慵柳困春闈  
永東隣女伴偶過從相邀莫負芳菲景  
共向南園鬪草嬉攀芳拾翠搜求盡  
稱奇覓巧自挑泥玉尖寧怯蒼苔冷  
袖中別出謝公鬚神彩如生光炯炯  
低回暗自卜心期小立花前垂素頸  
榆錢輸盡拔金釵人醉東風依露井  
乳燕鳴鳩白日長笑聲遠隔鞦韆影

晚春坐春暉亭

結構無多地鄰園藉綠陰烟霞無俗態花鳥得  
同心雨足閒鋤藥茶香靜理琴此中塵事少頗  
似住山深

北郭尋秋

野濶風吹袖茫茫平楚間秋隨人意冷露共客  
心閒鳥墜將殘夜烟生欲暮山怪他烏柏樹著  
意染衰顏

小院殘春

幾樹殘紅瘦不支綠陰滿地燕參差春歸細雨  
斜風裏客病輕寒薄暖時鬪草簾櫳人寂寂鞦韆  
庭院日遲遲柳花飄蕩東西陌閒殺青青百尺絲

早秋夜坐

水簟涼生暑漸收雨痕洗出秋天秋微風小院  
花香合淡月空階竹影浮繞砌亂蟲攪客話誰  
家孤笛喚人愁蕭蕭夜色清如水坐看星河漸



欲流

咏十姊妹花

東風萬物荷生成隊隊紅香照眼明  
衰病天涯憔悴客自憐同氣各枯榮

蠹牕

沉水香中夜漏餘月痕冷浸一牀書  
百城未敢誇南面且乞閒身作蠹魚

第二冊

卷九

何恭人玉瑛字梅鄰福建侯官縣人同邑鄭某  
室知府鵬程之母多才博學教子成名著有疎  
影軒詩稿

疎影軒詩稿

侯官何玉瑛梅鄰

咏史二首

覆巢無完卵肉味安賴知此語達而痛乃出七  
齡兒聞變奕不動臨刑甘如節具此浩然氣巾  
幘勝鬚眉假令得永年豈數女中師痛哉孔文  
舉身後無子遺裂皆數阿瞞慘戮一何悲此女  
甘荼毒空贖蔡文姬

王霸厲清操胡慙令狐友兒女俗情牽嘖嘖愧  
其婦當其偃臥時理欲交戰久室謫倘有詞北  
門恐失守雖貴豈如高一語醒灌首古來孟光  
賢梁鴻甘杵臼似此灌園終毋乃閨中誘惜哉  
逸姓名高風真不朽

口占勗兒

殖學精於勤取法貴乎上功無一息寬志欲干  
古抗臨渴而掘井及泉烏可望置身賢豪間男

見何多讓

卽景

樹杪點霏霏  
蹣跚燕子飛  
數聲啼鳥寂  
一縷篆煙微  
竹筍掀泥出  
梨花帶雨肥  
眼前饒好景  
得句愧珠璣

盼竹友舅氏滇中信

一諾重千金  
招魂瘴嶺陰  
老人雖健飯  
閨夢總關心  
義膽神靈護  
征途雨雪侵  
此時回棹未  
且

晚盼鴻音

松濤

輪困老榦鬱千尋萬籟銷沈聽遠音風雨五更  
驚鶴夢波濤一院起龍吟簷前水訝傾銀漢空  
外聲還答暮砧雨滴芭蕉風戛竹一般幽韻譜

瑤琴

截竹爲小洞簫吹之合律喜而賦此

琴書餘暇學吹簫揀得良材製造工美汝瘦生

偏直節可人爽籟本虛中  
松閒滴瀝蕭疎雨空  
外悠揚婀娜風清響  
原來需小鳳鏡臺長伴當  
棲桐

寄遠

暫同夔屈亦何悲  
風雨終看破壁時  
儒者治生原急務  
古人隨地有師資  
關心眠食期加飯  
得意溪山乞好詩  
來往鯉魚煩尺素  
流光彈指數  
歸期

疎影軒詩稿

遊小蓬萊山

滿徑白雲冷數株風樹斜  
此中有僊女願與乞  
胡麻

掃梅

梅花片片白無瑕  
吹落階前雪點斜  
未忍和苔黏履迹  
月明攜帚掃瑤華

閨中讀書

文采翩翩亦未宜  
大家遺訓恰須知  
古來列女



非無傳不在多聞在取資

第一冊

卷十

馬肅人士琪字韞雪四川西充縣人南城知縣  
雲錦女晉城知縣祥符張應坦室著有片石齋  
爐餘草四卷漱泉集二卷

片石齋燼餘草

西充馬士琪韞雪

天竺寺二首

三竺深始佳妙香靜空谷無量人天供至此心  
神肅在昔聞兵火茲山未沈陸若非龍象力何  
以感羣族

出門望層巒回向古道場雲日遞隱見巖壑易  
陰陽別院通危橋澗曲聲琅琅萬木擁寒閣千

片石齋燼餘草

鄭燦別館藏書

燈照迴廊澄懷此晏坐攝受言可忘

將進酒

文犀光射琥珀微客爲主壽雲嬾歸此時舉觥  
勝千日巵酒使我花枝肥夭桃未落春已老驅  
車疾走揚州道

大梁淫雨吟

溼雲壓風風無力白日茫茫光閉塞老龍怒吸  
江水渾三春霖霖足三月蛟鼉得志走高隄濤

翻浪湧墜天低大河南北皆澤國郊原一望沒  
田畦梁園改革稱貧蹙比戶曾無三斗穀春麥  
秋禾委巨波井煙處處聞啼哭哭之淚盡繼以  
血有司敲扑還摧裂憂國惟知督賦租餓莩誰  
慮靡遺子吁嗟吁嗟真可哀驅車無計鬻嬰孩  
一女千錢男五百逢人便售敢求益兒女悲號  
不肯行阿母含愁佯加責兒去母孤悲不止強  
持兒價糶珠米無何米盡復思兒將身潛縊綠

楊裏早知兒失母難存悔不當時一處死我聞  
此語心痛酸監門思得鄭公官救民重繪當年  
像多恐君王不忍看君王仁聖真無極蠲賦恒  
逾千萬億減膳徹樂憂思殷蓬萊殿上無顏色  
安得彼蒼施高厚電雷倏易爲星斗陰陽和燮  
雨無乖永令斯民歌大有

濟寧道上

危橋浸水沒衰草與天平空橐孤雲意高秋萬

里情嬌親欣返旆稚子苦遐征預卜還家後猶  
多旅夢驚

次書湖弟過禹門作

蒼然暮色欲何之遙拜河東大禹祠風雨會須  
騰赤鯉鴻荒誰與問元夷怒平越壑無聲處志  
快揚帆破浪時三歎神工非斧鑿當年行水只  
如斯

齊雲樓

片石齋燼餘草

嫻嬛別館藏書

憑欄天際盪心胸一片齊雲接岱宗縹緲層檐  
疑結蜃等閒高臥笑元龍自傳家學三千衆誰  
數仙居十二重爲問芙蓉樓上客何如東海表  
雄封

凌霄花

引蔓高木巔丹竹墜煙翠相攀迷本根凌霄成  
底事

苦雨



階前時復見遊魚不斷愁霖密復疎觸處牆傾  
兼屋漏有人夜起護殘書

片石齋燼餘草

柳媛別館藏書